

Alegria y Fantasía

cu BON DIA ARUBA

Mighty Talent cu propio record, 10 biaha Calypso King y 6 biaha Roadmarch King

Alrededor di 8000 persona a presenciá pa mas di 9 ora largo loke tabata e Calypso & Roadmarch Contest 1995.

Debí na diferente factornan a dicidí di trece diferente cambionan den Carnaval y su contestnan e aña aki, como prueba pa mehoracion den futuro.

Calypso & Roadmarch Contest ta un di nan. Pa loke ta organizacion ASOMA a bai hopi dilanti compará cu aña pasá y e presentacion a bai lihé y bon coordiná.

Pa loke ta actuacion, e aña aki hopi show a cai afó,



SAN NICOLAS- E ganadornan di Roadmarch 1995. Na di 5 lugar cu 1050 punto TaTTOO, na di 4 lugar cu 1860 punto Lord Papito, na di 3 lugar cu 1875 punto Singing Captain, na di dos lugar cu 1895 punto Ramphys y Ganador Mighty Talent, Claudius Phillips.

ta algun cantante por a sub cu un of mas bailadó, pero show mes di aña anterior no tabatin.

Esmeralda y su grupo haci masha hopi falta mes.

Mayoría di composicion tabata bon y arreglona fantástico, loke ta articulacion di cantantenan y e manera di trece nan mensahe dilanti a laga masha hopi di deseá.

Quizas esaki ta debí na sonido un poco halto cu bono ta tende e palabranan bon, of ta pa falta di training e cantante no sa su palabranan bon.



"If the shoe fits you, wear it!" comentarionan un poco fuera de base di Inky, algo cu no ta pas at all di un artista grandi asina.